



189
chen. vñ da mit so gabent
si ain vzkünde. dz am got
wärt d' allv ding geschaf
fen hat. vñ sprachent also.
Swz d' man nit mag gema
chen. dz er mag er och nit
zerbrechen. Swz es ab mag
gemachen dz zerbrucher er
och wol. vñ da von sprachet
si. Sit nieman so gewaltig
ist. d' den hymel mug gebre
chen. So ist och so gewaltig
nieman d' in mug gemachē.
So ist ain gewaltig got. d'
vber allv ding ist. vñ dem
widstan mag. vñ erkandēt
si also vnser hren gewalt.
an der creature. Vnd also
sont och wir got erkēnen
an d' creature. vñ sont den
den nutz. dar an nemen. dz
wir vns vnd in sont nai
gen. Sit got ain gewaltig
got ist dem nieman mag
widerstan. so ist dz billich
dz wir vns vnd in naigēt.
Vñ da von spricht sant pet
r sont vch naigē vnd dez

groszen Gottes gewalt. d' vch
behalter an dem tage so er al
lv inwrv wch schowent wirt.
D' and sprosse ist dv schon
d' creature. Dar an sont ir ni
ken sine wihait. dz er allv
ding als ordenlich hat geschaf
fen. vñ hat ieglichem sin maz
gegeben. vñ dar an sont wir
aber den nutz nemen. dz wir
vns tump donkēt. von swie
wile d' mētlch wäre. so wäre
er ze tump doch. wid' wihait
dv an got ist. vñ da vō sol d'
mētlch erkēnen swz er wihait
od beschenhait hat. dz er die
vō gotlich wihait hale. vñ
nit vō im sellen. Man lisset
vō wisen haiden. dz die ir wih
hait von in sellen woltēt han.
vñ sprachēt die ler. dz in got
dz offenber vor beschloz. dz
an d' creator ist. dz ist sin gut.
dv ist all' offenbārtst an all'
sin geschephte. die beschloß
in vnser herre vor. dar vmb
won si ir wihait von in sellē
wandēt han. vñ erkandēt